



21933.

Nat. Komp.

III

Mag. St. Dr.

P


Taxativa. Sel. for Paramythia seu verbum solaminis.

PANEG. et VITAE


Polon. Fol.

№ 922

Biblioteka Jagiellońska



stdr0004669



PARAMITYA

SEV

VERBVM SOLAMINIS.

QVOD

Inter Lugubres Triennalis pestilentiae minas
Vrbi Cracouiensi, Ordinibusq; Academicis
IN AVSPICATA, INAUGVRATIONE

J N

RECTOREM



Magnifici, Perillustri & Admodum Reuerendi Domini

M. ALBERTI PAPENKOVII

VSTIENSIS: SACRÆ THEOLOGIÆ

DOCTORIS & PROFESSORIS:

Præpositi Sancti Floriani, Prothonotarij Apostolici
Contubernij Staringelliani Prouisoris

Gratulationis & gratitudinis ergo

A

M. SEBASTIANO IOSEPHO TARALICZ,

Philosophiæ Doctore, Collegæ Minore, & interea Ordinario
Eloquentiæ Professore

P R O M V L G A T V R

Instante Brumali Commutatione

Anno 1679. Die 25. Mensis Octobris.

C R A C O V I Æ,

Ex Officina ALBERTI GORECKI S. R. M. Typogr.

W.

21933 III

MAGNIFICE DOMINE RECTOR



Fortuna, qua ad lugubres lacrymas miseros mortales necessitat; saepe-
numero medijs in angustijs afflictos animos, ad spem erigit meliorem,
& ad serenum redacta vultum, clarum maestis representat post tristia
nubila Phœbum. Res nostra, & Spes nostra non in mediocri versatur
discrimine: quando ab observato triennio continuis contristamur ex
pestifera contagionis lue periculis; adeo, ut in desperato casu animo
concidentes, vel exules, vel intra metū positos, Felix olim Cracovia suos conspiciat Cives.
Accedit huc non mediocris doloris malignitas, dum Iagelonis toti Septentrioni amabilis
& honorabilis Parnassus, suis manet destitutus Musis; suosq; amisit ex viris egregijs
Clarissimos omni præstantiâ Apollines: Alios quidem Astrorum: & totius Matheos co-
gnitione claros. Illos Artificio certamine celebres: Hos labore & curâ circa lura,
Reliq; Academicas ab annis plurimis commendatissimos, Nonnullos scientiâ & peritiâ
sacra pagina memorabiles: quosdam ob medendi peritiâ Polono Orbi, & huic Vrbi
optatissimos; Qui quidem Vniuersi sicut doctrinâ, ingenio, virtute, in Vniuerso Orbi Aca-
demico multum claruerunt; ita post fata Cælesti felicitate fulgeant in perpetuas
Æternitates. Te quoq; ob memoriam recentem præterire non possum, omni virtute, di-
gnitate, honore & præstantiâ Illustris semper ANDREA KVCHARSKI, qui cum toties, tum
non ita pridē Regimini Sceptrisq; Academicis admotus, domesticis gratiosus, extraneis
venerandus, Magnis, Viris, Principibus Magnis plurimi æstimandus extitisti. Sed
cum nunc viuas æternitati insertus, Nos lacrymis moderamen inijcimus, & ad Solami-
nis remedia descendimus. Et verò non postremum solatiū indicium est Magnifice
Domine RECTOR, cum te in eo conspiciamus honoris folio, ex quo boni ominis &
optimi Regiminis, possumus Vniuersi evidens sumere indicium. Diu te huic dignitati
seruauit, & conseruauit Res Academica; ut cum tot malis morbidis subueniendum est,
Tu illis præinnata Tibi prudentia, dexteritate, atq; sapientia mederi digneris. Neq;
id fieri posse dubitamus; Principibus enim atq; Ducibus, Tui sinceri instituti non fucatus
labor exhibitus, tantum tibi attribuit, quod per te Claua Imperatoria, & cætera
honorum Regni Sublimium insignia feliciter ubiq; dirigantur. Iudicium quoq; illud
tibi adest, quod non modò in causis Academicis, per Theatra Conuentuum, Comitiorūq;
ab Ordinibus Poloniæ celebratorum comparasti, verum etiam apud Exteros promeritum
Diadema honoris Theologici repetendo, in suprema Romana, Orbisq; totius Sapientiæ sede
confirmari curasti; & feliciter, cū Sacra Supremi Ecclesiæ Romana Antistitis, Benedictio-
ne, propositi tui intentū coronasti. Quare Magnifice Domine RECTOR, cum te cædida
mens exornet, rectum commendet iudiciū, animus mansuetus depradicet, humeri ad la-
borem sufferendum idonei collaudent, iustus in omnibus labor veneretur; Regia hæc
Sceptra, qua recipis inclinabis ad reparandas Rei nostræ ruinas, ad conciliandos Ci-
uium animos, ad nomen Academicum promouendum, & propagandum, ad omnia de-
niq; iuxta ritum suum, & leges suas disponenda. Fauebit tuo Regimini Supremus to-
tius Vniuersi Moderator DEVS, remq; spemq; tuam, ad quauis meliora diriget; Teq;
ipsum in saluberrima & prospera Fortuna diutissimè conseruabit. Hoc Tibi amicitus
euenire cum Vniuerso Academico catu Magnificus, Perillustris, & Adm Reueren-
dus Dominus M. ALBERTVS DABROWSKI, Sacræ Theologiæ Doctor Pro-
fessor: Sancti Floriani Decanus: Maioris Collegij Senior Pater: Felicissimus
Almæ Vniuersitatis Cracouiensis, in antea acta Cōmutatione Æstiuæ RECTOR,
apprecatur. Cui ut unâ tecum Calum fauens omnia fausta prosperet, omnes Bono
Publico benè cupientes expetimus: & possessionem Sceptrorum, nunc de manibus eius-
dem mente candidâ, & corde sincera traditorum, festinè tua dignitati voce concordî
gratulamur.

ODE

ODE DICOLOS

TETRASTROPHOS.

TAm diu mæsto satiata fletu,
In minis mortis Craciadis ora
Exstat, in duris meliora sperans
Gaudia rebus.

Siste diffusas lachrymas, redactis
Ad bonam sortem statibus; salubre
Mitte, nunc cælo tibi sic fauente,
Carmen in auras.

En Iagelonis schola, mente rectâ
Patris ornari meruit probati,
Sceptra qui celsit retinere doctæ
Fulgida Sparthæ.

Hæc PAPENKOVI celebrande digno
Prende concentu, Tibi quem Paternus
Donat in cunctos animus, datisq;
Annue votis.

Ecce spectabat Dea suauiore
Fronte Fortunæ, sibi dum Iagelus,
Ex dato sensu sapientis aulæ,
Risit Apollo.

Collis elatus dedit apta Musis
Plectra, Parnassum resonare dixit,
Et viro lecto Patriæ perennes
Dixit honores.

Gloriam Magnis Satrapis Lechorum
Arte præcella, cumulando dedit
Optimos Patres Patriæ, Gradiui
Fulmina Turcæ.

Te Duces doctos potuisse Lecho
Martis Alumnos dare, non silenti
Fama cornu concinit, & strepenti
Nuntiat aurâ.

Vera laus te non fugit, & videris,
Grandibus præsens benè ferre factis
Heroum pulchrum decus; hoc venustæ
Ferte Camenæ.

Ferte



Ferte per vastas Lechiæ cateruas,
Liuor haud lætas religet catenis,
Ite per Orbem, societa circum
Mittite vota.

Noster en Rector Jagelonis aulae
Obtinet culmen, comitante cætu
Gloriosæ dotis, & assequacis
Murmure famæ.

Iam tibi faustis Zephyri quadrigis
Nunc fugant nubes, Tibi nunc serena
Astra subrident, Tibi delicata
Luce refulgent.

Syderum Sacros imitata vultus
Roma Te vidit, tulit, atq; docto
Intulit, lætis manibus, sacrata
Serta capillo.

Candor amplius Te decet, & laboris
Digna semper præmia, gestiente
Dignus es, qui concelebreris ore
Sceptra tenere.

Viue Fortunæ, meliøre verbo
Dicimus; præsit tua dextra doctis
Fausiùs Sceptris, mereat perennes
Semper honores.

Apta dum nostris venit hora votis,
Viue; Fortunæ placidum lucere
Poscimus Phæbum; Tibi, resq; faustas,
Corde precamur.

Nos Tibi gratam sobolem benignum
Mitte sub finum, benè in supremo
Confidens nobis solio, paternam
Exhibe frontem.

Sic fit, hoc votis iteramus omnes,
Exeant, Sic fit, bona verba læto
Semper euentu, peragas Beatos
Semper honores.

Alma perplexis, grauibusq; caulis
Pressa Mater, gaudia te studente
Cernat, & post tristia luce clarum
Nubila Phæbum.

7. XII. 24.

